



Drejtoria për Arsim
Odeljenje za Obrazovanje
Department for Education

Raport gjashtëmuor i punës

(Janar – Qershor) 2024



REPUBLIKA E KOSOVËS
REPUBLIKA KOSOVA
KOMUNA E RAHOVECIT - OPŠTINA ORAHOVAC
Drejtoria për Arsim
Odeljenje za Obrazovanje

-IV- Nr. I prot. 1834 Br. prot. Dt. 03.07.2024
RAHOVEC - ORAHOVAC

Përgjatë gjashtë muajve të parë të vitit 2024 në kuadër të DKA-së u realizuan një varg aktivitete, të cilat ishin të parapara të zhvilloheshin në Planin Vjetor të Punës për këtë vit. Këto aktivitete të zhvilluara gjatë kësaj periudhe po i paraqesim të shkruara sipas muajve, siç vijon:

Muaji Janar

- Në fillim të këtij muaji përgatitëm planin përfundimtar (final) të prokurimit për projektet kapitale, për furnizime dhe për mallra dhe shërbime;
- Nisëm përgatitjet e paramasave për dy projekte; projektin e furnizimit të shkollave me mjete konkretizime dhe laboratorike dhe projektin e furnizimit të bibliotekave të shkollave me libra, për të cilat nisëm procedurat e prokurimit sipas planit vjetor të prokurimit.
- Procesi mësimor i vlefshëm për gjysmëvjetorin e parë, përfundoi më 12 janar, 2024 dhe gjysmëvjetori i dytë filloi më 24 janar 2024.
- Në bashkëpunim me DKRS, me pjesëmarrjen e të gjitha shkollave, organizuam dhe mbajtëm Orën e Madhe Letrare në kuadër të manifestimeve "Flaka e Janarit".
- Më 31 janar 2024 u mbajt trajnimi i fundit i mentorëve të 25 SHFMU-ve nga organizata Kosova Makers League, me ç'rast u bë edhe pranimi i 100 robotëve edukativ (nga 4 për secilën nga 25 shkollat), të cilët u financuan nga komuna jonë.

Muaji Shkurt

- Procesi mësimor i gjysmëvjetorit të dytë vazhdoi të mbahet rregullisht në të gjitha shkollat.
- Nga Policia e Komunitetit kanë filluar të mbahen ligjëratat nëpër shkolla, me temë: "Pasojat e përdorimit të narkotikëve".
- Organizuam dhe mbajtëm Garën Komunale të Olimpiadës së Fizikës, në të cilën morën pjesë nxënësit më të mirë të klasave 9, 10, 11, 12.

- Në shkollat e reja në ndërtim, në Xërxë dhe Ratkoc, kanë vazhduar punimet. Në Xërxë ka vazhduar ndërtimi i mureve të brendshme, ndërsa në Ratkoc ka vazhduar puna në montimin e xhamave të dritareve.
- Organizuar aktivitete me nxënës në nderim të 17 shkurtit – Ditës së Pavarësisë së Kosovës, siç ishin vizitat monumenteve kulturo-historike dhe në vendlënie të dëshmorëve e gjithashtu edhe programe festive në shkolla dhe në programin qendror festiv.
- Më 24 shkurt, 4 nxënës fitues të Garës Komunale në Fizikë i dërguam në Prishtinë për të marrë pjesë në Garën Shtetërore. Nga 4 nxënës fitues të Garës Komunale në Fizikë që morën pjesë në Garën Shtetërore, dy prej tyre treguan sukses të lakmueshëm.
- Në kuadër të projektit të riparimeve në shkolla, është punuar në sallën e edukatës fizike të SHFMU “Bekim Sylka”.

Mars

- Në Gëxhë kemi përfunduar projektin e efikasitetit të energjisë, ndërsa në Çiflak filluan punimet në rregullimin e fushës sportive në oborrin e shkollës.
- Në kuadër të projektit për rregullimin dhe mirëmbajtjen e hapësirave të brendshme është punuar në rregullimin e nyjeve sanitare në objektet e shkollave në Drenoc, Senoc dhe në objektin e IAAP “Selajdin Mullaabazi-Mici”.
- Kemi nënshkruar marrëveshje bashkëpunimi me Shoqatën Profesionale të Informatikëve të Kosovës (SHPIK) për fillimin e zbatimit të Projektit të Kodimit në Fushën e Teknologjisë Informative.
- Është lidhur kontrata për projektin e furnizimit të shkollave me mjete konkretizimi dhe laboratorike .
- Në shkollat e reja në ndërtim, në Xërxë dhe Ratkoc, kanë vazhduar punimet.
- Ka filluar furnizimi me inventar i 3 çerdheve të reja. Fillimisht, furnizime u bënë në Çerdhën për Fëmijë në Krushë të Madhe dhe më pas vazhdoi furnizimi për Çerdhën e Fëmijëve në Ratkoc.
- Më 31 mars u përfundua fusha e re sportive në oborrin e SHFMU “31 MARS” në fshatin Guri i Kuq.

Prill

- Në shkollat e reja në ndërtim, në Xërxë dhe Ratkoc, kanë vazhduar punimet.
- Në kuadër të projektit të riparimeve në shkolla, është punuar në sallën e edukatës fizike të SHFMU “Bekim Sylka” dhe në sallën për aktivitete. Ndërkohë ka filluar puna në drenazhimin dhe hapjen e kanaleve të kullimit përreth objektit të SHML “Xhelal Hajda –Toni”;
- Ka vazhduar furnizimi me inventar i 3 çerdheve të reja;
- Përgatitëm planin e shpërndarjes së librave nëpër biblioteka shkollë dhe planin e shpërndarjes së pajisjeve laboratorike dhe mjeteve të konkretizimit nëpër shkolla;
- Pas pushimit pranveror, sipas kalendarit vjetor të MASHTI-t, rifilloi procesi mësimor i vlefshëm për periudhën e dytë të gjysmëvjetorit të dytë dhe gjithashtu, në bashkëpunim me

policinë e komunitetit u mbajtën ligjërata për nxënësit në gjithsej 4 shkolla. Në 2 shkolla të tjera u mbajtën ligjërata edhe nga përfaqësuesit e Institucionit të Avokatit të Popullit.

Maj

- Në bashkëpunim me policinë e komunitetit u mbajtën ligjërata vetëdijësuese për nxënësit edhe në shkolla të tjera.
- Kanë vazhduar vizitat sistematike mjekësore për fëmijët (nxënësit e klasave të para dhe të pesta;
- Nga bashkatdhetari ynë Agron Berisha pranuar donacion një sasi të konsiderueshme të pajisjeve të teknologjisë informative dedikuar shkollave të komunës sonë;
- Vazhduam furnizimin me pajisjeve laboratorike dhe mjeteve të konkretizimit nëpër shkolla Mjete konkretizimi dhe laboratorike nga kimia, fizika, matematika, biologjia, gjeografia e historia janë ndarë në gjithsej 8 shkolla;
- Kemi bërë përgatitjet për fillimin e mbajtjes së garave komunale të diturisë, të cilat u mbajtën në fund të këtij muaji;
- Hapëm konkursin për regjistrimin e fëmijëve nëpër cerdhe dhe konkursin për ndarjen e bursave për studentë dhe nxënës;

Muaji Qershor

- Patëm shënimin e 1 Qershorit - Ditës Ndërkombëtare të Fëmijëve, me një manifestim në Qendrën e Kulturës "Mensur Zyberaj" së bashku me DKRS dhe me SHPG "Hareja".
- Filluan së funksionuari 3 çerdhet e reja, në Krushë të Madhe, Xërxë dhe Ratkoc;
- Në shkollat e reja në ndërtim, në Xërxë dhe Ratkoc kanë vazhduar punimet;
- Kemi bërë përgatitjet për fillimin e mbajtjes së garave komunale të diturisë për klasat e pesta në të gjitha shkollat, të cilat u zhvilluan me sukses;
- Në konkursin për regjistrimin e fëmijëve nëpër cerdhe dhe konkursin për ndarjen e bursave për studentë dhe nxënës, ka vazhduar aplikimi;
- Në kuadër të projektit të riparimeve në shkolla, kanë përfunduar punimet në Shfmu "Bekim Sylka", e po ashtu ka përfunduar puna në drenazhimin përreth objektit të SHML "Xhelal Hajda-Toni".



Avni Morina
Drejtör i DKA-së